

諸城縣鄉土志

卷上

殿志 640

諸城縣志  
卷上  
殿志

諸城縣鄉土志目錄

中書科中書劉瑞圻

揀選知縣王煒辰

諸城縣知縣寶山陳觀圻輯

邑人揀選知縣王熙昭編纂

揀選知縣李作渠

候選運同王鳳翥編校

上卷

歷史

政績

兵事

耆舊

下卷

諸城縣鄉土志

目錄

人類

戶口

氏族

宗教

實業

地理

山水

道路

物產

商務

歷史

諸城立縣始於隋開皇初改膠州為密州十六年改東武為諸城

立縣治為密州倚郭

唐虞夏商屬青徐二州殷改青州為營州

據尚書地理今釋今縣地為青州南境徐州北境爾雅齊曰營州先儒以為殷制

周屬魯諸邑莒牟婁邑防邑後皆入魯又齊琅邪邑

春秋莊公二十九年城諸及防杜注諸今諸縣路史諸彭姓蜀牟婁故城在西十五里今董家崖頭隱公四年莒人伐杞取牟婁杜注城陽諸縣東北有婁鄉勸學錄魯有二防一近宋一近齊孟子放於琅邪按即漢縣

戰國魯頃公二十四年楚考烈王滅魯地入楚

秦分天下為三十六郡諸屬琅邪郡

諸城縣鄉土志

漢立諸縣屬徐州琅邪郡治琅邪縣呂后改琅邪國又東武縣橫

縣昌縣平昌縣及姑幕縣地青州高密國石泉縣地石泉縣故城在今高密

密縣城西南七十里

琅邪縣故城在東南一百三十里今夏河城據水經注秦漢郡治即在琅邪縣元和志琅邪山在諸城東南百四十里水經

注琅邪故城在山西北十里今遺址因岡為城今古城村東武縣即今縣治東南有遺址因岡為城今古城村

諸縣故城在西三十里又名季孫城橫縣故城在廬山之北廬水之側

今無城址在東北二十五里今昌城村昌縣故城在東北六十里又名龍臺城俗曰城陽城又名門

平昌縣故城在西北六十里又名龍臺城俗曰城陽城又名門

姑幕故城在縣西北四十里錫山側今墓在縣西北四十里錫山側

後漢屬徐州琅邪國東武縣琅邪縣諸縣姑幕縣地又青州北海

國平昌縣地

魏屬城陽郡治東武縣諸縣割屬省琅邪縣又置平昌郡後廢

晉屬青州城陽郡初為城陽國泰始中為郡東武縣諸縣平昌縣

姑幕縣地太康十年東武諸屬東莞郡元康十年廢城陽郡平

昌縣屬高密國

元康元年移東莞郡治莒縣

劉宋屬青州平昌郡平昌縣東武縣地又屬徐州東莞郡諸縣地

宋魏東莞縣已移治莒之東莞集與諸縣俱屬徐州東莞郡

後魏屬膠州治東武郡治東武城永元二年置郡永安二年置州

又置扶淇縣梁鄉縣興和中於梁鄉置臨海郡尋廢又姑幕縣

諸城縣鄉土志

地高密郡東武縣平昌縣延昌中來屬又南青州東莞郡諸縣

魏文帝黃初中立東莞郡在沂水東燕錄謂之圍城魏南青州治

高齊屬膠州治高密郡治東武縣廢東武郡移高密郡來治又東

莞縣地姑幕省人周因之

寰宇記諸縣齊天保七年省又平昌縣亦云齊省

隨屬密州改東武為諸城又置豐泉縣大業初改名琅邪又安邱

縣大業初來治平昌故城又東莞縣地

隋志琅邪有徐山盧山鄆日山膠水即漢琅邪後魏梁鄉故地也初置名豐泉以別有琅邪縣故迨琅邪改名嵒城乃改豐泉

為琅邪即治漢故城開皇十六年於漢琅邪故城置牟山縣大業二年改為安邱又

改琅邪為嵒城三年安邱移置今諸城境

唐屬河南道密州治諸城縣五代梁龍德元年改名膠源唐復故  
漢爲防禦州周改軍事

宋屬京東東路密州安化軍節度治諸城縣建隆元年改防禦州  
開寶二年升安化軍尋降防禦六年復爲軍

金屬山東東路密州治諸城縣

元屬都省山東益都路密州治諸城縣

明屬山東布政司青州府洪武二年廢密州置諸城千戶所夏河  
寨千戶所

國朝仍明舊裁千戶所

政績錄

漢朱博字子元成帝時遷琅邪太守漢書有傳

馮野王字君卿成帝時拜琅邪太守見漢書奉世傳

王閔魏郡人哀帝時爲中常侍嘗叱董賢收其印綬後不其張步聚衆據琅邪郡更始遣閔爲琅邪太守步拒之不得進閔傳檄降得贛榆等六縣收兵數千與步戰不勝乃詣相見欲責以大義步大陳兵引閔怒曰步有何過君前見攻之甚乎閔按劍曰太守奉朝命而公擁兵相拒闕攻賊耳何謂甚耶步嘿然良久離席跪謝乃陳樂獻酒待以上賓之禮令閔關掌郡事後歸光武

陳俊字子昭爲琅邪太守撫貧弱表有義檢制軍吏不得與郡縣

諸城縣鄉土志

四

相干百姓歌之漢書有傳

張宗字諸君初爲河南都尉後遷琅邪相政嚴猛敢殺後漢書有傳

李章字第公河內懷人爲琅邪太守時北海安邱大姓夏長思等反囚太守處興而據營陵城章聞卽發兵擊之掾吏曰二千石行不得出界兵不得擅發章按劍怒曰逆賊無狀囚劫郡守此何可忍若坐討賊而死吾不恨也遂引兵安邱城下與長思戰斬之帝嘉其功後漢書有傳

唐崔元亮字晦叔清慎剛介遷密州刺史唐書有傳

宋馬仁瑀爲密州防禦使羣盜起兗州其魁周弼毛襲尤勇悍號

長脚龍仁瑀領帳下十餘卒入泰山擒之盡獲其黨宋史有傳  
王博文字仲明知密州密負海有鹽場歲饑民多盜鬻輒抵罪死  
博文請弛鹽禁候歲豐乃復從之宋史有傳

吳奎字長文知密州禱雨輒應宋史有傳

田京字簡之知密州有能名宋史有傳

蔡齊字子思舉進士第一知密州宋史有傳蘇軾嘗云齊知密州  
時歲旱除公田租數千石請弛鹽禁使民得衣食救饑民甚賴之  
蘇軾字子瞻眉州眉山人熙甯八年知密州軍州事時司農行手  
實法不時施行者以違制論軾曰違制之坐若出自朝廷誰敢不  
從今出自司農是擅造律也未幾朝廷知法害民罷之有盜賊竊

諸城縣鄉土志

五

發安撫司遣三班使臣領悍卒來捕盜卒凶暴恣行民奔訴軾軾  
投其書不視曰必不至此散卒聞之少安徐使人招出戮之時蝗  
旱相仍軾條上災傷又數寄書侍中文彥博丞相韓琦論新法期  
年化行訟庭闐然居二年徙河中府未任改徐州元豐八年知登  
州再過密民扶老携幼遮道攀留卽軾所名超然臺肖像祀之至  
於今宋史有傳

劉庭式字得之齊州人蘇軾知密州時庭式爲通判有治聲幼聘  
鄉人女及登進士第女喪明且貧甚不敢復言或勸納其幼女庭  
式笑曰吾已心許之矣卒取之生數子死哭之哀逾年不復取軾  
問之曰哀生於愛愛生於色今君愛從何生哀從何出乎庭式曰

吾知喪吾妻而已若緣色而生愛緣愛而生哀色衰愛弛吾哀亦忘則凡揚袂倚市目挑而心招者皆可以爲妻耶軾深感其言見宋史卓行傳

趙成伯初知眉州丹稜縣與蘇軾遊軾至密末一年而成伯亦以尚書郎倅是邦軾謂其勤於吏職視官事如家事按熙甯九年雩泉碑陰載有朝奉郎守尚書屯田郎中通判密州軍州事上騎都尉賜緋魚袋趙庾蓋成伯也

翟汝文字公巽知密州密負海產鹽蔡京屢變鹽法盜販者衆有司窮治黨與汝文曰祖宗法度獲私商不詰所由欲靖民也今繫而虐之將爲厲矣悉縱之密歲貢牛黃汝文曰牛失黃輒死非所

諸城縣鄉土志

以惠農宜輸財市之則其害不私於密上從之紹興元年除叅知政事同提舉修政局時秦檜相面刻汝文專擅罷去以卒先是汝文在密檜爲郡文學汝文薦其才故檜引用之然汝文性剛不爲檜屈對案相詬至曰檜爲濁氣云宋史有傳

張敦禮神宗時爲密州觀察使元祐初上疏言變法易令始於王安石成於蔡確近者退確進司馬光所得多矣宋史有傳

晁補之字無咎十七歲從父端有官杭州敍錢塘山川風物之麗著七述以謁通判蘇軾軾先欲有賦讀之歎曰吾可以閣筆矣舉進士知密州有治聲宋史有傳

金完顏寓安化軍節度使密州破爲亂軍所殺金史有傳

移刺古與涅安化軍節度使貞祐初元兵取密州古與涅率兵力戰流矢連中其頸既拔去復中其頰死焉

元孔治孔子五十三世孫至元二十九年知密州下車捐俸修儒學置師生講習之所化大興性廉潔絕私謁惟以戢姦卹困爲事父老感悅携杖焚香拜於庭者無虛月見明史彥繩傳

眞閻至元四年任密州達魯花赤以厚風俗興文教爲己任勸農課桑務期實效時山海間盜賊竊發爲嚴更鼓之制設方略定功賞奸人屏息修超然臺及各官廨舍必授直不以累民秩滿去州人勒石以述其善政

黃濟字汝舟至正八年知密州歲饑盜熾濟陳弭盜救荒各十事

諸城縣鄉土志

七

奏弛漢人不得持兵器禁乞減價糶常平倉安邱舊有祝靈姬淫祠濟命毀之又嘗決豪民楊春等獄奸回悉屏迹治聲大著

明朱允恭太祖實錄云姓陳陝西保安人洪武十五年任知縣清介不阿忤權貴謫戍雲南縣父老董興等詣闕保奏於是召復還職遣使齎禮物勞之大誥續編列入有司超羣條

閻鼎直隸深州人由進士授監察御史以忤中貴外調諸城愛民養士捐俸建滄浪書院及迎春接官二亭旬宣牧愛宣化明教儒林皇華肅綱宣威鎮海迎恩十坊縣人歷久頌之

王緒陝西華陰人由舉人任知縣正德六年霸州流賊劉六劉七齊彥名等掠山東連陷樂安安邱悉衆來攻城中哭聲震天地緒

誓以死守躬督千戶張武義勇丁紀等分守各門嚴號令明賞罰  
縉紳士夫亦驅之登陴預決扶洪水注滿池隍賊不能近解圍去  
楊繼盛字仲芳號椒山直隸容城人由進士官兵部員外郎以劾  
仇鸞謫陝西狄道典史遷諸城知縣凡所措施率以鋤強暴紿善  
良爲務繼盛嘗自述曰諸城濱海俗甚強悍予治事不數日民皆  
守法吏不敢奸月餘調南京戶部主事縣人陳燧等送之濰水之  
陽繼盛降輿揖衆抗言嚴嵩擅權納賄害天下至京師必劾之衆  
相顧愕然後果以劾嵩棄市公來縣時年三十七身在長短之間  
容儀秀雅面圓色皙兩鬢下鬚連卷長寸許漆色微虬目多白睛  
瞻之有威而談笑娓娓不倦與人無崖岸善射去之日與中猶懸  
諸城縣鄉土志

弓矢邑人立祠與楊天民合祀焉明史有傳

趙楫字汝進順天大興人由進士任知縣始至值歲禮楫招撫流  
亡聽民墾荒田三年後始起科復業者千餘家縣多大猾暴行鄉  
里中楫拘其渠數人抵之法田賦久不均楫密訪洞知其弊丈其  
地別肥瘠爲三等吏民不敢欺每朔望詣學宮勸諸生以績學勵  
行貧者捐俸助之擢御史去民臥轍泣涕皆以巡按山東祝之後  
果爲山東參議旋擢湖南巡撫民爲立生祠

張大謀字南川直隸永年進士萬歷十五年任知縣約己愛民待  
胥役甚嚴時境內多荒蕪令貧民願墾者得自陳凡荒田所在不  
問年之久近主之有無告官開墾遂爲己業廬舍井竈即立於其

所名之曰官莊凡四十五處一時貧民胥賴以養焉行取御史巡按山東復簡靜著治聲

楊天民字正甫山西太平人萬歷十七年進士調繁諸城下車問疾苦察民所利病辨色視事諸訟者以次訊曲直吏胥不得相語公庭如秋霜縣兩稅吏高下其手天民嚴檣駁屏絕奇羨會有倭警上官急令守城天民但籍名於官不擾其業二十一年水大禱民率屑草木食之天民乃亟發倉儲計丁口多寡自三斗至盈石爲例率俸尉各司一倉盡日而畢又勸富民出粟踰百石者旌其門給放如官廩法作粥贍就食者每至粥場淚簌簌霑襟其病者手禁方起其疴又修學宮及常山雩泉亭俾饑民傭工就食於官

諸城縣鄉土志

九

所活甚衆旁縣民嘯聚劫糧漸逼境內天民捕其魁撻於市是歲租賦無所出天民緩其征來歲大熟民爭輸不以縮額爲之累內召擢禮科給事中與御史牛應元請復建文年號初天民去縣時縣人立遺愛祠祀之後官貪婪耆老相聚哭祠下及以楊繼盛合祀其中乃更額曰二楊公祠

顏悅道字君白直隸魏縣人由進士任知縣性明敏敢任事禦倭海上民得安堵權璫妄指縣有曠悅道力持不可乃寢直指趣送豪右悅道曰民若不逞豈無三尺在何至勞上官鍛鍊三更直指未嘗送一人卒未有一人橫暴者學使索劣行生亦不與士化之兩勘徭役皆平允招撫流民數百戶陞戶部主事去民爲立生祠

琅邪臺上

李凌雲南直隸華亭人由進士任知縣蔬食自甘不名一錢猾吏皆屏迹去會久旱以鐵檄投龍湫立大雨霽足後內召去假歸里縣復旱百計禱不應父老走華亭乞凌雲書幣凌雲笑曰往在任以天子命吏禱雨故應耳今去汝久無能爲也父老請不已乃具書侑以四物內有玉章一方父老既歸焚書投璧謝雨霽足明年再旱再走華亭乞書亦再雨其感通神明如此

唐文煥陝西富平人由進士任知縣縣大蝗文煥禱於神蝗赴海死未翼者大鳥羣食立盡安邱饑民爲亂鄰縣響應獨縣人不敢發旁郡有劇盜皆檄文煥平治之時比歲不登幣幣滿野文煥請

諸城縣鄉土志

十

發倉賑貸爲粥食之遣人赴淮航粟招商買鄰境賴以全活數萬人縣人爲立生祠直指薦陞吏部主事

國朝程芳字箕山直隸人由舉人任知縣弱冠美丰姿而機警有智鼎革初縣大猾揭竿起白日肆掠良家子多竄匿城空無居人芳談笑殲其渠縣賴以安尤加意振興學校士民懷焉

高瓊字金臺遼陽人由貢生任知縣時土寇竊發瓊市戰馬養壯士村落有長都鄙有伍賊至瓊一呼集數千人賊望風遁軍人逃旗者多株連累民瓊皆械繫之歸其籍民安堵乃緩催科興教育頌聲大作縣人爲立生祠

劉之鵬順天香河人順治十六年由官生任府通判明年署縣事

前令陳邦紀遇寇變兵備海防道崔起鵬舊與五蓮山富僧有隙欲借此殺之倡言民變以上聞縣禍且不測民大恐皆逃竄山谷間之鵬申文力辯謂陳令夤夜被殺必賊傷非民變且以緝賊口任果獲賊民慶更生以失上官意罷職卒縣人葬之望汕鄉涓水涯稱曰劉公墓

馬翀字倬園浙江富陽人由進士任知縣時賦役不均豪家地浮於稅寒族稅浮於地翀令自首設法抽勘賦役乃均月三課諸生親爲指授康熙七年地震城圯歷二十餘年議修不果翀擇日鳩工始二十九年八月初旬至九月末旬工竣觀者驚爲神助

羅廷璋字文城四川閬中人由舉人任知縣和平樂易與民休息

諸城縣鄉土志

重修超然臺康熙五十八年大水請於上官開倉設粥廠數十處活人甚衆自春至冬用穀四千石核減追償無所悔

王志曾山西陽曲人由拔貢任知縣持身端嚴尤留心民瘼夏月公出遇農夫八九人枕鋤午睡呼起訊問皆傭工偷閒者志曾曰若輩旣游手不自力田今取人值食人粟玩愒如此良心何在人予杖二十自是田工倍勤春日貧民有負賦稅畸零者志曾惻然曰農事方亟又催科擾之秋成何望乃捐俸代輸民不見吏久之乃知後每春皆然

李翰奉天鑲黃旗人由舉人來任性峻直莅事勤敏乾隆十七年夏旱瀚齋戒禱雨雪泉徒步行烈日中三十里次日時雨雪足十

八年初秋大風雨損禾瀚冒雨免冠走諸祠廟號泣爲民請命其夜果霽縣自十二年大饑後低田皆蕪人畏伏雨不敢墾瀚於黃瞳秦家莊逢家莊泊裡諸地來往相度乘農隙開溝洩水患乃息張師赤河南儀封人由進士調繁來縣縣中賦稅上中下三等戶書作奸有釐攤毫酒之弊以剝民帥赤革其積弊新超然臺親課士其中夏旱禱雨輒應乾隆二十四年蝗生縣東南境帥亦祭之蝗投海死

宮懋讓江南泰州人由副貢以知州借補來縣修公冶子祠建常山蘇文忠公廟修文昌閣並儒學署纂邑乘搜逸表微殫竭心力又以縣俗喪葬奢靡作大事約爲教人漸化之

諸城縣鄉土志

十二

徐紹薪字蘇亭撫甯人由舉人除嚴馭胥吏嘉慶八年春蝗子徧野與邑官屬分鄉督捕其法用橫木長短不等圍三四寸按苗疏密繫繩綴楊枝數人持之前行驅至隴首有溝隨瘞之後數十人持有柄木版捕擊遺者官給飲食費不得累鄉人至今猶傳其法劉光斗字錯山奉天海城人進士道光八年知縣事清勤善折獄創修觀海書院朔望課士文風丕振邑志自宮懋讓纂修歷七十餘年光斗開局續修起乾隆乙酉迄道光乙未藁甫就以憂去一邑故實賴以不墜焉

陳國器四川資陽人舉人道光二十一年署縣事下車伊始卽以禁賭爲急務昧爽起治事無積壓無株累胥吏不得售其奸聞某

久聚賭一日方坐堂皇鞠獄忽失所在俄頃逮某至矣其勇決多類此迄今邑人每道國器懲賭狀猶津津不置云

祥恩字雲五滿州進士咸豐五年署縣事明決有爲值大旱禱雨赴龍潭潭在九仙山下距縣九十里祥恩徒行烈日中中暈暴卒士民哀之

鄒崇孟子煦谷廣西臨桂人進士咸豐辛酉七月署縣事先二月間捻匪竄渠河西岸時奉檄辦團莠民煽惑鄉愚藉衆滋事崇孟擒其魁立置諸法八月初旬逆復竄縣境崇孟以西郭市廛鱗集先示諭拆毀商民猶與賊猝至崇孟火之自八月迄十月逆氛竄擾無虛日崇孟晝夜巡防賊臨城下處以鎮靜卒保危城父老念

諸城縣鄉土志

十三

崇孟保衛功每思念不置云

毛澂四川仁壽人由翰林改知縣光緒三十一年署縣事時奉檄立學堂而紕於欸澂就書院舊舍稍改作之旬日而規模具廣集生徒優給膏火一洗陳腐之陋邑有學堂自澂始把總某以重息貸錢商民解任時囊括去矣一日挾洋人來索負勢張甚澂據理折之洋人謝過去邑多教堂自澂歷任後民教相安爲從來所未有修琅邪臺秦碑工未竟明年調滕縣五月卒於官邑人請於大府爲位超然臺上配祀蘇文忠

兵事錄

漢高帝四年韓信敗楚將龍且於濰水壩上斬之史稱囊沙壅水  
即此

漢淮陽王更始二年盜張步起琅邪

漢光武八年安邱侯張步叛歸琅邪太守陳俊擊斬之二年使伏  
陰持節招

張步降封  
安邱侯

十六年琅邪盜賊復起謁者張宗討平之

十七年安邱大姓夏長思反琅邪太守李章引兵斬之

後魏出帝永熙二年青州人耿翔襲據膠州殺刺史裴粲莊帝二  
年置膠

州於東  
武縣

諸城縣鄉土志

唐昭宗天復三年楊行密陷密州刺史劉康父死之

後漢高祖天福十二年盜陷密州

隱帝乾祐年淮人攻密州以郭瓊為行營都部署未至淮人  
解去

宋高宗建炎元年金撻懶下密州

三年知濟南府宮儀及金人數戰於密州

金宣宗貞祐元年蒙古木華黎屠密州

興定元年蒙古木華黎破密州

興定二年夏紅襖賊方郭三據密州河北行省侯摯敗之降  
偽將校數十人士卒七百人悉復其業秋李全破密州

元順帝二十七年明將徐達遣裨將招撫密州

明洪武六年倭夷入寇沿海居民多被殺掠

成祖永樂十八年鰲山衛指揮僉事王眞以兵擊妖婦唐賽兒餘黨於諸城盡戮之

先是賊首賓鴻聚衆攻安邱指揮衛青備倭海上率千騎擊之擒斬六千餘人其餘黨爲眞所敗賊悉平

武宗正德六年流賊齊彥名等圍攻縣城知縣王緒千戶張武引扶洪水注於池賊不能肆擁聚於東北關緒令兵於城門上架大礮貯鉛子斗許擊之賊大駭遁去

崇禎十五年冬 大兵略地至縣

國朝順治元年土賊邱凝休等聚衆攻城知縣程澆以武舉劉斌

諸城縣鄉土志

十五

憲武進士丁彝鼎率鄉兵勦之

莒州賊莊調之據九仙山澆請於膠州總兵柯永盛遣兵擊敗之

七年土賊趙盛寬等掠枳溝等村知縣高瓊率義勇莊能等擊走之

咸豐十年南匪告警各鄉團練築堡

十一年二月捻匪破安邱入邑境至渠河南岸知縣崔瀾帶勇禦之賊南竄莒州日照等處 八月捻匪由日照竄邑之許孟只溝初六日撲城下知縣鄒崇孟典史王恩湛守禦三晝夜初八日由邑之賈悅等處竄入安邱 九月初捻匪由